

Penganggur warga asing mengaku guna dadah dipenjara

MIRI: Seorang penganggur warga asing dijatuhi hukuman penjara empat bulan oleh Mahkamah Majistret di sini setelah mengaku bersalah atas tuduhan menggunakan dadah berbahaya tanpa kebenaran pihak berkuasa.

Mahkamah turut memerintahkan tertuduh dirujuk ke Jabatan Imigresen untuk tujuan pengusiran setelah selesai menjalani hukuman penjara.

Alan, 31, dari Bima Timur, Indonesia didakwa mengikut Seksyen 15 (1) (a) Akta Dadah Berbahaya (ADB) 1952 dan dihukum

di bawah Seksyen 15 (1) akta sama.

Jika sabit kesalahan, boleh didenda sehingga RM5,000 atau penjara dua tahun dan serta-merta dikehendaki menjalani pengawasan oleh pegawai seperti ditakrifkan di bawah Seksyen 2 Akta Penagih Dadah (Rawatan dan Pemulihan) 1983 selama tempoh tidak kurang dua tahun dan tidak melebihi tiga tahun mengikut Seksyen 38B ADB 1952.

Menurut keterangan kes, tertuduh didapati menggunakan dadah berbahaya jenis Amphetamine dan Metham-

phetamine yang terkandung dalam Jadual Pertama ADB 1952 (Akta 234), dengan cara memasukkan dadah ke dalam tubuh sendiri tanpa kebenaran pihak berkuasa.

Dia didakwa melakukan kesalahan itu jam 7.18 malam, pada 6 Mac tahun ini di pejabat Bahagian Siasatan Jenayah Narkotik Daerah Miri.

Pendakwaan kes dikedalikan pegawai pendakwa Inspektor Mudzilawati Abdul Rahman di hadapan Majistret Randu Rangen manakala tertuduh tidak diwakili peguam bela.